

Disposición derradeira segunda. *Entrada en vigor.*

Este real decreto entrará en vigor o día seguinte ó da súa publicación no «Boletín Oficial del Estado».

Dado en Madrid, o 11 de xullo de 2003.

JUAN CARLOS R.

A ministra de Sanidade e Consumo,
ANA MARÍA PASTOR JULIÁN

MINISTERIO DA PRESIDENCIA

14082 *ORDE PRE/1949/2003, do 8 de xullo, pola que se establecen as condicións para a autorización da cantaxantina nos pensos, en aplicación do Real decreto 2599/1998, do 4 de decembro, sobre os aditivos na alimentación dos animais. («BOE» 168, do 15-7-2003.)*

O Real decreto 2599/1998, do 4 de decembro, sobre os aditivos na alimentación dos animais, que traspón a Directiva 96/51/CE, do 23 de xullo, pola que se modifica a Directiva 70/524/CEE, sobre os aditivos na alimentación animal, constitúe, desde a súa entrada en vigor, a norma interna fundamental en materia de aditivos.

O mesmo que na Directiva 70/524/CEE, no artigo 2 do citado Real decreto 2599/1998, do 4 de decembro, distínguese entre aditivos obxecto de autorización vinculada ó responsable da súa posta en circulación, e os outros aditivos, indicando no seu anexo III unicamente a mención ás categorías xenéricas que integran ámbolos tipos de aditivos. As múltiples disposicións comunitarias dictadas en relación coas condicións de autorización dos aditivos fóronse reflectindo noutras tantas incorporacións ou modificacións dos anexos da Directiva 70/524/CEE, que foron dotando de contido as categorías xenéricas de aditivos. Non obstante, ó ter sido o regulamento a norma comunitaria utilizada para regular esta materia e dada a aplicabilidade directa da dita disposición, non foi necesario incorporar ó noso ordenamento xurídico os cambios descritos. Así mesmo, anualmente publícase no Diario Oficial das Comunidades Europeas, serie C, a lista de aditivos incluídos nos anexos da Directiva 70/524/CEE coas condicións de autorización correspondentes.

Sen embargo, entre as últimas disposicións comunitarias adoptadas na materia, encóntrase a Directiva

2003/7/CE da Comisión, do 24 de xaneiro, pola que se modifican as condicións de autorización da cantaxantina nos pensos, conforme a Directiva 70/524/CEE do Consello, norma que require ser incorporada ó ordenamento xurídico nacional mediante esta disposición.

A nova directiva díctase como consecuencia do dictame realizado polo Comité científico da alimentación humana en 1997, que estableceu que a dose diaria admisible de cantaxantina para humanos se podía fixar en 0'03 mg/kg de peso corporal e, do traballo revisor efectuado a seguir, polo Comité científico da alimentación animal sobre os niveis máximos de cantaxantina admitidos en pensos para salmónidos, polos de carne e galiñas poñedoras, que estableceu os límites de 25 mg/kg de penso para os dous primeiros, e 8 mg/kg de penso para as últimas.

A disposición derradeira primeira do Real decreto 2599/1998 faculta os ministros de Agricultura, Pesca e Alimentación e de Sanidade e Consumo para adoptar, no ámbito das súas atribucións, as medidas necesarias para a modificación dos seus anexos, de acordo coas directrices que estableza a normativa comunitaria.

A Comisión Interministerial para a Ordenación Alimentaria emitiu informe preceptivo sobre esta disposición. Así mesmo, na súa tramitación foron consultados os sectores afectados e as comunidades autónomas.

Na súa virtude, por proposta do ministro de Agricultura, Pesca e Alimentación e da ministra de Sanidade e Consumo, dispoño:

Artigo único. *Condicións para a autorización da cantaxantina.*

Para os efectos establecidos no Real decreto 2599/1998, do 4 de decembro, que no seu anexo III distingue entre aditivos a autorización dos cales está vinculada ó responsable da súa posta en circulación, e os demais aditivos, entre os que se conta a cantaxantina, dentro do grupo dos colorantes, as condicións para a autorización da cantaxantina son as previstas no anexo desta orde.

Disposición derradeira única. *Entrada en vigor.*

Esta orde entrará en vigor o 1 de decembro de 2003.

Madrid, 8 de xullo de 2003.

RAJOY BREY

Excmo. Sr. Ministro de Agricultura, Pesca e Alimentación e Excmo. Sra. Ministra de Sanidade e Consumo.

ANEXO

Número CE	Aditivo	Designación química, descripción	Especie animal ou categoría de animais	Idade máxima	Contido		Outras disposicións	Expiración do período de autorización
					mínimo mg/kg de penso completo	máximo mg/kg de penso completo		
Colorantes, incluídos os pigmentos								
1. Carotenoides e xantofilas								
E 161 g	Cantaxantina	C ₄₀ H ₅₂ O ₂	Aves de curral excepto galiñas poñedoras	-	-	25	Permítese a mestura de cantaxantina con outros carotenoides e xantofilas a condición de que a concentración total da mestura non exceda os 80 mg/kg de penso completo	Sen límite de tempo
			Galiñas poñedoras	-	-	8	Permítese a mestura de cantaxantina con outros carotenoides e xantofilas a condición de que a concentración total da mestura non exceda os 80 mg/kg de penso completo	Sen límite de tempo
			Salmóns e troitas	-	-	25	Autorizada a súa administración unicamente a partir da idade de seis meses. Permítese a mestura de cantaxantina con astaxantina a condición de que a concentración total da mestura non exceda os 100 mg/kg de penso completo.	Sen límite de tempo
			Cans, gatos e peixes ornamentais	-	-	-	-	Sen límite de tempo
	3. Colorantes autorizados para a coloración de pensos polas normas comunitarias, que non sexan azul patente V, verde ácido brillante BS e cantaxantina	-	Tódalas especies ou categorías de animais, excepto os cans e os gatos	-	-	-	Autorizados en pensos só en produtos elaborados a partir de: i) refugallo de produtos alimenticios, ou ii) outras substancias básicas, excepto cereais e faríña de mandioca, desnaturalizadas mediante os devanditos axentes ou coloreadas durante a preparación técnica para garanti-la identificación necesaria durante a fabricación.	Sen límite de tempo
			Cans	-	-	-	-	Sen límite de tempo
			Gatos	-	-	-	-	Sen límite de tempo

Número CE	Aditivo	Designación química, descripción	Especie animal ou categoría de animais	Idade máxima	Contido		Outras disposicións	Expiración do período de autorización
					mínimo mg/kg de penso completo	máximo		
3.1	Cantaxantina autorizada para a coloración de pensos polas normas comunitarias		Tódalas especies ou categorías de animais, excepto aves de curral, salmóns, troitas, cans e gatos	-	-	-	Autorizados en pensos só en produtos elaborados a partir de: i) refugallos de produtos alimenticios, ou ii) outras substancias básicas, excepto cereais e fariña de mandioca, desnaturalizadas mediante os devanditos axentes ou coloreadas durante a preparación técnica para garantir a identificación necesaria durante a fabricación.	Sen límite de tempo
			Cans	-	-	-	-	Sen límite de tempo
			Gatos	-	-	-	-	Sen límite de tempo
			Aves de curral excepto galiñas poñedoras, salmóns e troitas	-	-	25	Autorizados en pensos só en produtos elaborados a partir de: i) refugallos de produtos alimenticios, ou ii) outras substancias básicas, excepto cereais e fariña de mandioca, desnaturalizadas mediante os devanditos axentes ou coloreadas durante a preparación técnica para garantir a identificación necesaria durante a fabricación.	Sen límite de tempo
			Galiñas poñedoras	-	-	8	Autorizados en pensos só en produtos elaborados a partir de: i) refugallos de produtos alimenticios, ou ii) outras substancias básicas, excepto cereais e fariña de mandioca, desnaturalizadas mediante os devanditos axentes ou coloreadas durante a preparación técnica para garantir a identificación necesaria durante a fabricación.	Sen límite de tempo